

# Kalaallit Nunaat tamakkerlugu piffissami 13.-16. juli 2021 killilersuigallarnerit pillugit Namminersorlutik Oqartussat nalunaarutaat

Nappaatit tunillaassortut akiorniarlugit iliuutsit pillugit Inatsisartut peqqussutaanni nr. 20, 12. november 2001-imeersumi, Inatsisartut inatsisaatigut nr. 1, 1. april 2020-meersutigut allanngortinneqartumi §§ 6, 6 a aamma 12 a, 12 b kiisalu § 29, imm. 2 aamma 3 naapertorlugit uku aalajangersarneqarput:

*Atuuffia*

**§ 1.** Nalunaarut Kalaallit Nunaat tamakkerlugu atuuppoq.

*Imm.* 2. Nalunaarut Kalaallit Nunaanni Peqqinnissaqarfimmut imaluunniit nakorsiartarfinnut kiisalu nakorsiartarfinnut namminersortunut niuertarfinnilu peqqissaanermik naalagaaffimmit akuerisaallutik ingerlatani ingerlatsisunut atorfekartitsiffiusunullu atuutinngilaq.

*Imm.* 3. Nalunaarut katersuunnernut, politikkut allatulluunniit isummersornissamik sunniiniarnissamik siunertalinnut atuutinngilaq.

*Imm.* 4. Nalunaarut eqqartuussivinnut atuutinngilaq.

*Imm.* 5. Nalunaarut mittarfinnut, tikittarfinnut/aallartarfinnut assigisaannullu atuutinngilaq.

*Imm.* 6. Nalunaarut ulluunerani neqeroorutinut namminersortunut pisortaniillu pigineqartunut, atuarfinnut, ilinniarfeqarfinnut il.il. atuutinngilaq, nappaatit tunillaassortut akiorniarlugit iliuutsit pillugit Inatsisartut peqqussutaanni § 22 takuuk.

*Imm.* 7. Nalunaarummi §§ 2-4 aamma § 6, imm. 1, nr. 1 suliffeqarfimmi sulisunut atuutinngillat.

*Imm.* 8. Nalunaarut angerlarsimaffimmi aaqqissuussanut assigisaannullu atuutinngilaq.

*Imm.* 9. Nunatta nakorsaaneqarfia nalunaarummit immikkut ittumik akuersissuteqarsinnaavoq.

*Illup iluani aaqqissuussani il.il. peqataasinnaasut amerlassusaannik killilersuinerit*

**§ 2.** Aaqqissuussat, nalliuttorsiornerit, sammisaqartitsinerit assigisaalluunniit illup iluani ingerlanneqartussat amerlanerpaamik 20-nik peqataasoqaqqusaapput.

*Aaqqissuussani il.il. silami ingerlanneqartussani peqataasinnaasut amerlassusaannik killilersuinerit*

**§ 3.** Aaqqissuussat, nalliuttorsiornerit, sammisaqartitsinerit assigisaalluunniit silami ingerlanneqartussat amerlanerpaamik 20-nik peqataasoqaqqusaapput.

*Ininut kikkunnilluunniit iserfigineqarsinnaasunut piumasaqaatit*

**§ 4.** Inuussutissarsiummik ingerlatallit aamma suliffeqarfuit pisortanit pigineqartut ininik kikkunnit tamanit iserfigineqarsinnaasunik pigisallit piumasaqaatit tullinguuttut maleruassavaat:

- 1) Inuit ininut qatserisartoqarfinni oqartussaasunit akuerineqarsimasunut isersinnaatitaasut amerlanerpaaffissaasa affaannaat isersimaqqusaapput, taamaattorli § 2 takuuk.
- 2) Inini qatserisartoqarfinni oqartussaasunit akuersissutitaqartinneqannngitsuni, natermi 4 m<sup>2</sup>-iusumi amerlanerpaamik inuk ataasiinnaaqquaavoq. Nateq 4 m<sup>2</sup>-imik mikineruppat oqaaseqatigiit siulliit apeqquatainnagit inuup ataatsip isersimanissaa akuerineqarpoq. Nateq qanoq pequteqartiginera apeqquatainnagu iikkamiit iikkamut naatsorsorneqassaaq.

*Pisortat angallassisutaanni amerlassutsinik killilersuineq*

**§ 5.** Pisortat angallassisutaat, tassunga ilanngullugit bussit aamma taxat, issiaffiusinnaasut sinnerlugit ilaasoqaqqusaanngillat.

*Imm. 2. Imm. 1-ip maleruarneqarnissaata qulakkeernissaa assartuummik piginnittup akisussaaffigaa.*

*Qanermut imaluunnit kiinnamut assiaquteqarnissamut piumasaqaat*

**§ 6.** Inuit aqqaneq-marlunnik sinnerlugillu ukiullit kiinnamut assiaquteqassapput:

- 1) inini kikkunnit tamanit iserfigineqarsinnaasuni isersimagunik, takuulli nr. 2.
- 2) niuertarfinni – aamma kiffartuussivinni sulisut, pisinianik attaveqaraangata, takuulli imm. 3.
- 3) assartuitini kikkunnit tamanit ilaaffigineqarsinnaasuni, tassunga ilanngullugit bussini taxanilu ilaagunik.

*Imm. 2. Qanermut imaluunniit kiinnamut assiaquteqarnissamut piumasaqaat ilisimassutsimik annikillisimasunut, timikkut tarnikkulluunniit sanngiitsunut, allamilluunniit peqquteqarlutik qanermut kiinnamulluunniit assiaquteqarsinnaanngitsunut atuutinngilaq.*

*Imm. 3. Niuertarfinni – aamma kiffartuussivinni sulisut qanermut imaluunniit kiinnamut assiaqutinut taarsiullugu, sulisup pisiniallu akornanni plastikkimik assiaqusersinnaapput.*

**§ 7.** Qanermut assiaqutit tassaapput qanermut qinngamullu assiaqutit ataasiartakkat imaluunniit annoraaminermik sanaat allunaasamik, tasisartumik assigisaanilluunniit siutinut imaluunniit niaqqup tunuatungaanut sukarutillit kiinnamullu attumasut.

*Imm. 2. Kiinnamut assiaqutit tassaapput isinut, qinngamut qanermullu imaluunniit qinngamut qanermullu assiaqutit plastikkimik sanaat kiinnamut attuumannngitsut.*

*Pineqaatissiissuteqartarneq*

**§ 8.** §§ 2-4, aamma § 5, imm. 1-imik unioqqutitsisoq pinerluttulerinermik inatsit malillugu pineqaatissinneqarsinnaavoq.

*Imm. 2. Ingerlatseqatigiiffit il.il. (inatsisilerinermi inuttut immikkoortutut isigineqartut) pinerluttulerinermik inatsimmi kapitali 5-imi malittarisassat malillugit pinerluttulerineq pillugu*

inatsiseqartitsinikkut akisussaatinneqarlutik pineqaatissinneqarsinnaapput.

*Imm. 3. Akiliisitaanerit Nunatta Karsianut tutsinneqassapput.*

*Atuutilersitsineq aamma atuunneranut piffissaliussaq*

**§ 9.** Nalunaarut ulloq 13. juli 2021-mi nal. 19:00 atuutilissaq.

*Imm. 2. Nalunaarut malillugu killilersuinerit, inerteqquqtit, peqqussutit il.il. 16. juli 2021 ilanngullugu atuutissapput.*

*Namminersorlutik Oqartussat, ulloq 13. juli 2021*

Kirsten Fencker  
Peqqinnissamut Naalakkersuisoq

/ Aka Olesen

### **Namminersorlutik Oqartussat**

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut